

四庫全書

集部

欽定四庫全書

集部

敬業堂詩集卷三十二

詳校官_{中允}臣_璿五珠

助教_臣常循覆勘

總校官_{庶吉士}臣_倉聖脉

校對官_{中書}臣_雷純

謄錄_{監生}臣_俞昌言

欽定四庫全書

敬業堂詩集卷三十一

翰林院編修查慎行撰

直廬集

起甲申正月
盡乙酉五月

直廬之名出漢書嚴助傳注所以處賢良文學之

臣余不才初蒙

特召出入禁林已踰年矣今乃取以名集者斷自受職

之歲始用彰

恩遇且以志愧云

元旦

太和殿早朝

火城宛轉度星橋
香殿益益接慶霄
黃繖綵旂龍影動
玉笙金管鳳音調
五雲淑氣開蓂葉
一日春風曳柳條

前一日
立春 鷺綴鴛分真忝
竊正衙初預德陽朝

上元節西苑

賜宴觀燈恭紀

瓊島東瞻壁月圓
籥韶吹徹九重天
壺傾潑灑金尊溢
盤貯芳馨玉饌鮮
絳蠟班隨中使導
黃柑例許侍臣傳
太平時節觀燈宴
既醉惟當祝萬年

是夕復侍宴

東宮蒙賜玉盃恭紀

曾從繁露記書名
鶴禁傳看分外榮
照座欲分鐙影
燦入懷長並月胎
盈舉同彝鼎
恩加重刻作雲雷
製倍精珍重捧歸
須什襲濁醪難向
此中盛

春分

禁中雨

小雨流鶯外濛濛紫界牆不知春過半但覺日添長白
髮趨

中禁芳時感異鄉多煩玉階草為我報年光

次韻答吳西齋四首

青韶同調半衰遲久缺題襟唱和詩自詡狂呼袁彥道
難忘好客鄭當時長檠列幕慙分照小蹇衝泥倘借騎
巷北巷南曾咫尺

余借寓與西齋僅隔巷

却從離索想追隨

二老居隣共往還

謂楊玉符孫
松坪兩前輩

舊遊歷歷笑談間
牆頭

過酒傳鄉語
花底移床夢
故山萬事無如長耐冷
一官

何計便投閒
舉朝才筆輸吳質
借職猶堪押右班

不須作賦擬文通
好步詞場繼國風
後輩揣摩工日下

故人傳寫到吳中

時蔣酉君
乞假將歸

碧香開壘春
浮白翠袖分

燈夜別紅
怪得近來貧
轉甚俸錢多半給
新豐

江湖一別悔難追
誰遣鷗拂鳳池
玩世何妨資客難

低頭聊喜得吾師
同時領袖推東省

時考選臺垣
吳名在第一

異代

文章替左司

吳官戶曹時有
左司筆記一書

若向此中論臭味莫言長

楚竟無知

送同年蔣西君假歸常熟迎養太夫人二首

沉金纔報隔年春書繡還迎白髮親同榜科名傳盛事
世家書畫起文人桃花漲後移舟穩魚藻池西

賜宅新

行前一日奉
賜宅於西華門內

好片尚湖烟雨色

詔恩猶許住三旬

齒序肩隨別有情多君事我竟如兄直廬並候花磚影

奏帖常聯紙尾名小立官槐曾繫馬重來禁樹已藏鶯

卜鄰預擬同王翰

家聲山 賜宅
與西君比隣

不為登仙羨此行

暢春園早桃四首

記曾元夕醉香醪冰雪千林吐白毫今日重來雲錦換
十分春色屬山桃

萬樹垂楊未放青餘寒猶勒水邊亭天然掩映成圖畫
橫展西山作翠屏

浴日搏桑躍海東滿天晴色曉曛曛仙山樓閣無重數

只在紅霞一朵中

烟輕霧薄景遲遲
金碧圍中四望宜
忽憶江村寒食路
竹梢低拂兩三枝

二月二十五日

駕幸西苑直廬恭紀

翰墨林依

紫苑東親承步輦
出芳叢萬間廣夏
移天上

時直廬新
經改築

上顧臣等云此屋比
從前史覺開敞了
三接

深恩沛禁中身作紅雲長傍日心隨碧草又迎風直廬
便是披香殿月賜虛慙赤管功

三月二日

上御經筵恭紀

雲日瞻

堯表疇咨啓

舜編誰能窺

聖學猶不廢經筵芳宴調羹撤花瓷瀹茗圓

是日停止
筵宴諸臣

皆賜
茶而退

講官仍入直縈袖有爐烟

講官工部尚書臣鴻緒掌詹臣元龍講罷

仍入南

書房

西苑上巳呈同直諸君

上巳接清明韶光滿苑城曉烟和柳重夜雨為花晴節
物春長好年芳老自驚兩三修禊伴閒話水邊行

三月四日

賜食榆錢糝恭紀

天上星榆歷歷看春風吹綻小團圍柔條摘處青成串

新火烹來翠滿盤
槐葉冷淘難比色
藜羹舊糝記同餐
他時誇向田翁說
此味曾經

賜大官

送陳陟齋都諫請假歸里即次留別原韻

袍笏同朝萃一家
歸心偏愛故園花
清時

袞職無遺闕
祖帳都門有嘆嗟
隔岸黃塵車歷鹿
渡江
新月槽伊鴉到時
親友如相問為道
題詩字半斜

寓園紫藤花同紫滄賦

不計千枝與萬枝玲瓏巧透竹芭籬圍屏倚翠成宮錦
步障留陰護紫絲蔓引龍蛇皆上走花披瓔珞總交垂
家園手種應如鶩忍負東風爛熳吹

偕同年何屺瞻過古藤書屋時藤花方盛開賦
呈楊玉符孫松坪兩前輩

高出檐牙又幾層濃陰特比昔年增重揩霧裏麻茶眼
來對堦前老大藤一片黏須猶待拂千梢壓架恐難勝
祇應火急催新句莫謂先生病未能

時兩先生皆抱微疴故云

題學士姪柳邊歸院圖二首

一條虹影亘長隄，玉煉橋邊響月題。
緩轡不愁歸路遠，

移家新傍

禁垣西

入直常先下直遲，風條雨葉裊鞭絲。
自從

賜出飛龍殿

宋時翰林學士
例賜飛龍殿馬

不向東家借馬騎

送劉雨峯出守真定

我初遊學來帝京，漁洋夫子官司成。
若時實助四門教

相臨以分稱師生衆中期許良獨厚洒脫不用常格程
過從往往得一醉叩發談議交縱橫感君磊落有真意
憐我遲莫方成名五言投贈竟長幅氣韻道逸聲鉤鏗
迴環首尾二十載我髮漸白君顏頰郎潛索米豈不久
一麾出守今專城風前五馬五騏驎叱馭快作西南征
索馳載書車載酒綠楊夾路聞鷓鴣常山古郡接畿輔
沙泉瀏瀏欣相迎紅蕖繞郭雲錦爛白鷺下浴滹沱清
行人六月汗如濯過此盡愛徐徐行誰歟妙手為補繪

鈴閣何必非蓬瀛我今一官苦羈鞅欲往相就心搖旌
中山釀熟幸郵致毋令肺渴枯腸鳴

送掌詹陳乾齋前輩

子假省親四首

夜聞

優詔下承明

特許朝來拜表行親老詎應虛子職

天高原自近人情道存養志歸非晚風動旁觀感亦生

欲識掉頭瀟灑意浮雲直似從官輕

賓僚地望冠班行直上頻依

講幄旁星漢文章唐許國臚雲名第宋安陽

兩宮召對無虛夕

三殿摘毫有報章誰似先生饒至性最承

恩日乞還鄉

曾踰早海紀開邊出入聲華孰比肩館閣清才傳子弟
蓬壺歸路著神仙望雲地較瞻雲近捧日心隨愛日懸

更喜一門多盛事春帆相望五湖船

一月前令兄涉齋乞假先行

粉榆鄉社舊居隣華髮趨

朝接後塵新樹忍攀東岸柳殘鶯猶戀上林春半綸投

老知何日八座還家羨有親總道名園成獨樂十年書

局尚隨身

時奉旨攜帶歷朝賦彙三百餘卷還家校刊

池上雙鶴

長鳴相和兩仙禽多在陽坡少在陰偶向清池閒照影

被人猜有羨魚心

恩賜哆囉雨衣恭紀

短褐頻趨道路塵青氈猶是向來貧
為憐襍穢隨朝士特賜哆囉出屬賓
燥濕推恩慙厚庇短長稱意荷終身
從今聽雨聽風候瀑直堪誇楯柱人

五月朔

賜高麗米糗恭紀

清暑初交殿角風又傳節物近天中
靈符舊繫千絲縷玉粒新

頌五采筒青蕝香分菖葉綠銀盤光射石榴紅雲帆不
却三韓貢拜

賜還教紀

祖功

上諭云此米本出高麗自
宗朝歲貢百石為端午上供

太

送許不器赴任陳留

風俗陳留好猶傳一縣名人畊草野徧水入汴渠清百
里才非小三年政必成舊遊高李盡相送倍含情

乙亥
秋余

曾遊梁宋

間故云

送張裕齋郎中出守杭州

海宇久昇平，朝家重民事。吾州繁劇郡，牧守詎輕寄。相國門多賢，先生乃其季。起家科第中，啟歷非初試。銓除例引見，人地有易置。

天子稔公才，臨軒親簡畀。羣情翕然服，公望茲果遂。賤子本州民，田廬依廣庇。抒懷述所見，幸勿芻蕘棄。餘杭一都會，舊習沿浮侈。賓筵糜酒醪，徵逐共遊戲。東南際江海，隱現魚鹽市。黠者半為商，羣情鶩聲利。泉絲雖土

貢耕紡業間墜往時櫛比場十室減一二士風最柔弱

氓俗鮮倉積

去聲

好訟其性然因緣飽胥吏舞文翫吾法

嘖笑巧窺伺所以古相傳陋邦號難治我公朱轡出福

曜光燭地才大實恢恢心虛恒惴惴平生開濟量夙昔

澹泊志道路方欣瞻風聲已先駛星羅九屬邑催科兼

撫字公行示以廉表帥勵下位百族豐确殊噢咻同體

視公行示以儉變化需漸漬必若窟蠹豪先須扶善類

弊當去太甚利或興以次洵知鸞鳳仁遠勝鷹隼鷙公

餘愜雅尚山水領幽致開閣挹清虛褰帷納空翠澄泓
千萬頃高下三百寺日為湖上遊原不廢填委吟賡白
蘇什手續歐梅記寧待報最期竚看

雁書賜

苑中聞鶯

晝與人聲靜牆兼晷影移四圍千碧樹百轉兩黃鸝
堪熟鸞應老芒疎麥正垂未聾雙耳在為爾立多時

五月二十六日喜雨

前夕齋壇撤醮回
西郊今日忽聞雷
一軒傍水看雲起
萬木無風待雨來

聖與天通終應禱
人言早久未成灾
願敷甘澤沾濡意
膚寸崇朝徧九垓

雨後暢春園池上作

林亭片雨過
萬綠濃於染
葉杪滴殘聲
波紋蕩餘點
暑景猶未徂
涼風遽相感
平生微尚在
老去孤蹤忝
復此坐幽清
自然塵慮澹

題陳允升塞外牧羊圖後四首

誰護儲胥峙糗糧
開邊端合用陳湯
即看士馬歡騰後
宴犒猶餘萬角羊

鞭策曾趨萬騎先
鏡鉦親扈

六飛旋當初應笑
移中監雪北蒙羶十九年

橫草功名一例看
牧羊何似牧民難
郎潛此日憐頭白
辛苦邊州兩政官

春草如秧際綠蕪
驅羣何日首歸途
一蓑烟雨村南北

添寫巾箱考牧圖

大雨下直至自怡園

急雨催歸騎，虛檐警夕聽。
勢沈三徑竹，漚散一池萍。
穴蟻緣林木，跳蛙入戶庭。
最宜新浴罷，坐看鶴梳翎。

題蕉士上人扇頭墨竹

老僧指上微涼起，攜入先生懷袖中。
好是綠筠亭上坐，墨光含雨筆搖風。

移寓城南道院納涼

不信人間有鬱蒸
好風來處晚涼增
滿城鐘磬初生月
隔水簾櫳漸吐燈
書少只宜高閣度
牆低聊當曲欄憑
白須道士休相避
我已身如退院僧

玉竦橋觀荷花和張研齋前輩

水風涼透鷺鷥肩
一鏡爭窺萬柄蓮
不是玉樓金殿影
直疑身在過湖船

雨中獨直

南書房

窅窅九重關沈沈萬壽山雨來聲更靜天上坐能閒寓
意同休沐浮蹤信往還御溝新漲急歸及聽潺潺

大雨出前門口占

猛勢如潮欲撼城九衢暴漲一門爭去年六月灤河北
雷轉空山是此聲

送陳子文出守石阡八首

素筆多番到直廬墨淋漓灑玉蟾蜍一麾自擁
君恩出巖石先應刻

御書

君為部郎時屢
作行楷書前後再

召赴南書房
賜宸翰

瘦嶺荒江路七千一家迢遞向蠻天不知賤布已貧外

可有公畦太守田

用南史伏
暉傳事

鳥道中開斗大城
耀歌處處合蘆笙
風流郡伯褰帷入

赤脚花曼次第迎

清香書靜雙枝戟
碧樹春垂小桁簾
預美鈴齋無俗事

一泓冰鏡照吟髯

碑版光傳照裔文
臨池妙手繼鵝羣
翻防訟牒紛難却

判尾爭先乞使君

四十年來好弟兄夢中曾共躡蓬瀛

子文初赴選夢與余兄弟同入朝已

而果

白頭岐路天南北忍使恣恣賦渭城

短衣猶記走邊頭烽火遙連古智州今日故人乘傳去

太平時節話前游

庚申辛酉余在貴陽幕府故及之

宦蹟知從歷政深單裝寧肯負初心歸舟不載葵花石

要使清名過鬱林

石阡府志城南龍洞有兩石如盤形類葵花洞中產紋石俗名醜果任人

賞玩不
得攜歸

欽定四庫全書

恭和

御製山左豐年歌原韻

周官荒政皆仁政散利恒先重民命
平時蓄衆道維慈
臨事承天心以敬五行疇範推皇建
九扈農祥視晨正
堯湯水旱其數然補救由人乃前定
吾

君御宇軫郵頻流膏沛潤沾幽淪
厚培亭毒煦春律峻
極穹蓋函秋旻偶逢小春占俗儉
特渙

大號調吐貧開倉立發千萬億
遣吏徧荷咨諏詢飛鴻

在野集在澤六府九紀咸平均東人誰能忘帝力艱食
俄聞奏鮮食禾苗長畝二麥登鼓腹依然安作息向來
睿慮每宵衣至是

天顏同霽色明朝尺一傳山莊

帝庸作歌庶事康太平有象省惟歲飢溺已拯猶如傷
幽風十月獻朋酒羣祝萬壽期無疆可知先憂後樂意
覆載莫媿

恩難量小臣矢詩紀上瑞更願岳牧勤官方

伏讀

御製山莊書懷

賜大學士詩恭次扇頭原韻

雨暘時若驗陰晴無逸

心周稼穡晡夏隴已聞收翠浪秋場旋見擣紅粳

仁風被賜先元老喜色騰惟徧列卿共識

宸章難仰答太和元氣在咸英

疊納涼韻戲答俞扶九侍御

時同寓道院

晨烟夕靄氣蒸蒸秋水門前幾尺增
止酒免償隣負債
施油催點佛龕燈嫩莎院落晴
聯步獨樹軒窻雨對憑

寓庭有白
楊一株

除却入朝須起早兩鰥何事不如僧

古詩四章上座主孝感相國壽

火維靈輿區瀨氣恣磅礴洞庭滙溟滓石廩聳寥廓五
百應昌期元精鼓索籥大儒乃篤生作鎮配川嶽恭惟
我夫子異采輝井絡曳履上星辰訐謨重帷幄迴翔密
勿地獨力幹樞略立極奠六齋清剛礪鏃鏑道原幸有

賴不數平津閣

正學日淪替百家紛語言我公實聞知洙泗窮淵源妙
窺千聖秘月窟兼天根理障快掃除煥如朝吐曠發揮
為事業突兀指乾坤峨峨千丈松迥立無攀援經邦實
致治吾道中行存

勝國史未成簡編就殘脫門戶互排根文獻恐漸沒

聖朝樹立遠損益鑿前轍大筆待鉅公是非辨毫髮六
館既弘啟四部亦燦設貫穿三百年搜抉十萬帙迢遙

湖開創細瑣逮季末非公習掌故何由發囊括獨成一
代書凜凜陽秋筆

贊化非一塗調元歷三紀朝端立樞極爨下收杞梓五
度入南宮

至尊深倚毗請看百僚上盡屬門牆士一歸出懇誠進
退鮮愠喜重來資啓沃未許久田里公之視浮榮奚啻
若敝屣角巾就邸第寢食善名理上日攬揆辰川流同
岳峙采芝猶有待傳菊煩中使平格天所豐稱觴今以

始

王學菴給諫移寓保安街有詩見寄次答二首

笑檢空囊付畫叉不妨家具少于車篋中諫紙傳新草

唐制拾遺官月給紙二百張名諫紙

牆角吟蛩報晚花置酒可能邀北郭

賣書端合問東家十年瘴嶺煙江路容易星回博望查

學菴兩任黔粵縣令

輓轡綆轉石欄邊
旣屋曾棲蒲褐禪

余壬午癸未間曾旣居此街

古

井再經愁雨塌
舊交重聚得天憐
明燈照壁何愁歎
綠

樹當門定有蟬稍待泥乾走相覓看君新竈起茶烟

得朱悔人石泉書却寄

蛛絲繳繞鵲聯翩信使來從古石泉覽足憐渠行萬里
尺書報我閱三年天垂馬閣真奇險官到龍州類左遷
相勸白頭須作達好詩題徧好山川

奉祝崑山徐太夫人七十壽

早相中朝黼黻臣晚攜麟鳳拜

恩綸五千歲裏三秋節二十年來八座人星漢高原占

寶婺門牆餘厓在儒紳黃花酒暖金桃熟遙指西池是
海濱

史蕉飲前輩招集一畝園分賦

踏屐衝泥取次行重來忽漫聽秋聲空園樹比昔年老
積雨天逢今日晴世上官情閒最好詩中澹味煉難成
韓家潭外如鈎月愛領新涼到鳳城

月夜城南水閣偶集分韻得白字即題陳濂村

峨眉詩草後

高閣倚秋清
天空露華白
水風吹月上
去我若咫尺
此時一尊酒
遠致三峨眉
客稍稍召朋
儔羅羅訂肴
核盞簪
非意料邂逅
心莫逆君生
公相家名上
金閨藉七年
行蜀道尚爾
好顏色懷袖
有峨眉雲烟
落几席茲山
洵僻左迥與
中原隔巖險
出五丁蠶叢
始開闢君才
雖小試實佐
壽邊畫談天
無滯機登臨
挾仙翮徑危
蛇倒退石惡
斂中劈日光
攝身雷霆伺
投隙雪山帶
西竺萬里赴
絡繹豈非所
歷高參井手
可摘不然域
外觀詎肯供

汝役人生百年內知著幾兩屐奈何塵鞅羈跼步恒跼
踏哦詩撫清景不醉良可惜努力營一歡流連盡今夕

題史耕巖前輩收綸轉棹圖四首

銜尾船裝壓浪書鱸鄉風物比何如羨君別具經綸手
釣綫隨身自卷舒

賞花曾記把魚竿南史家傳學士冠四十年中三掌誥
鳳池何似五湖寬

拍殘銅斗酒初醒射鴨堂連避暑亭想得卸帆秋正好

水花風葉滿鷗汀

千里波光一曲移
西風吹老碧
純絲畫圖愛寫湖山意
未是先生乞賜時

熊質均年伯五十壽

半百韶華九九辰

重陽前一日

紅萸黃菊一番新
堂前接武

尚書履膝下承顏
進士巾

次君與余同年

風月無邊邀客賞
蓋

鹽有味愛官貧

時官國子學正

盈觴酒美須勤置
共識清醇似

主人

陳濂村新闢書屋名曰萍廬中秋後二日招同

人宴集分韻得明字

名園十年別

乙亥夏與濂村共
醉高陽相國園亭

蜀道萬里行自爾好會

稀轉頭歲崢嶸聞君昨報最還裝及秋晴相公顧之喜

東閭客已盈吾老不曉事顏然廁羣英開筵亦見招謂

是門下生坐我三間廬酌以一角觥為言聚散地遠近

豈有程點池忽西東浮海或合并所以顏此室而取萍

為名吾意殊不爾勸君還細傾君才本謫仙偶然去瑤

京玉堂手種樹再到陰已成況復芝蘭皆連枝合田荆

謂潛齋
學士

胡為不自廣猥作詩人鳴如余乃萍耳一葉漂

大瀛舉頭望秋空雲月遞微明後期難預必得句且再
賡

送靖安叔歸硤石三首

畫鼓朱旗曉日開廣場千步淨無埃紫光閣下通名姓

曾與天潢較射來

紫光閣在玉螭橋西南武殿試日
皇上幸東官諸王先升御幄步射

畢詣進士

乃排班

文武家聲荷

主知右班特許綴蛾眉一門盛事傳希有親見穿楊入

穀時

叔赴殿試日余與聲山姪俱奉特旨賜坐西班觀射時以為榮

最喜高堂有老親還家初換綠衣新兩山霜葉紅於錦

馬上爭看第一人

余家以武科登第者自叔始

總憲蔣裕菴先生輓詞二首

副相聲華重恢然德宇宏青雲多故吏黃閣是門生

相國

桐城公出生禮闈分校門下

氣壓松阡肅霜留栢府清憲臺傳故事

存沒備哀榮

帝里移家久堂開綠野宜庭惟栽玉樹坊亦號靈芝
卿月流丹旒商飈卷素帷薤歌聲咽處慘動是南司

大宗伯長洲韓公挽詞四首

昭代文章伯精靈造化鍾同朝瞻進退上

殿畫儀容獨具回

天力羣歸秉禮宗逍遙歌曳杖泰岱忽推峯

五雲臚唱後八代起衰時制藝

東朝讀

皇太子手撰
先生制藝文

一冊曾出
示慎等

才名四裔知直惟憑

帝鑒清并畏人知物望關存歿非公更屬誰

昔去絲綸地還

朝又十年高風仍館閣雅尚自林泉一病歸難料

先生以病

乞歸奉
留京調理

肯

初心老倍堅尚餘毫髮恨悵望五湖船

折東曾蒙召扶床得幾回泥塗遲下直函丈失追陪

七月

二十日公病間手札見招是日慎
行下直稍晚不及趨赴遂成永訣

遺墨真堪寶藏緘忍

再開寢門纔隔月今為哭公來

題吳震一中翰詩藁後

張

介山劉

論交付利那吳均風義老研磨芸香俸校三

年淺藥樹吟成五夜多

白樂天禁中夜直詩
藥樹陰中惟兩人

妙手不妨

偷格律長才倘肯乞餘波一樓準約山邊住

山邊一樓
震一舊以

名集拍手猶能作和歌

東宮召赴西園賜觀

皇上御書匾額大小二十有九恭紀七律八章

元氣淋漓萬象融欣瞻

宸翰闢鴻濛瑤源珠海來仙島鳳翥鸞翔下
震宮光射臨池知浴日筆隨運肘想生風
一時喜色關飛動萬祝齊傳抃舞中

爐烟直上護氤氲松棟虹梁燦欲分
殿閣香風浮墨氣河山秀色映

天文畫傳羲易壽圖秘

念切周詩稼穡勤

御書知稼軒無逸齋

共紀本朝家法古書屏銘

座付儲君

真覺謙尊道益光

謙尊堂亦御書匾

不名宮殿但名堂壁竄寧

羨書飛白響榻難撫紙硬黃

賜出形模隨大小琢成體製合園方

皇慈愛 青宮孝欽仰時親黼座旁

到處黃金榜

御書太平堂構慶端居晨曦燭地光相並列宿周天數

有餘大業時時遊藝圃嘉名一一取經畬日知舊額重

鈞勒開卷猶思出閣初

日知堂 皇太子初出閣時上所賜額也今移入苑中

翠蘂東連紫界牆
林泉交映藹秋方

龍樓問寢宵常早

鶴禁娛暉景正長
藻井非烟呈五采
璇題如鏡啟重光
凌雲百級丹梯上
頭白應喚老仲將

萬丈光芒出檻前
煌煌禁扁稱高懸

堯階茅土原同儉

文圃風光共一天
玉案浮花開漆硯
銀鈎寫月向澄川
凡魚欲作鯢鵬化

御墨吞來骨盡仙

筆陣縱橫氣總降

帝書亘古擅無雙
九苞翮羽連翩起
萬斛龍文獨力扛
迸散繁星懸兩曜
盡收千派納長江
人間欲見曾多得
轉幸身依青瑣窗

茫茫學海望無涯上

殿恭承異數加
目炫管中窺日月
夢回衣上帶雲霞
殿蘇小記榮天藻
羲獻真傳屬

帝家愧作玉皇香案吏難濡柔翰繪光華

恩賜新刻

御製詩集恭紀二首

宵旰孜孜四十年元音和暢在詩篇

天章久與絲綸播

御集新成琬琰鐫逸韻鏗金還憂玉祥風戶誦復家絃
關雎麟趾胥王化詩教原推雅頌先

武功文德並宣揚間采風謠到

省方畊鑿萬方民擊壤蕭韶九奏

帝垂裳典謨婉美尊虞夏花月成篇陋漢唐拜捧

瑤編還惕息難憑諷咏答

恩光

恩賜御園十種蒲桃恭紀

十種者一伏地公領孫二伏地黑蒲桃三伏地瑪瑙蒲桃

四哈密公領孫五瑣瑣蒲桃六哈密綠蒲桃七哈密紅蒲桃八哈密黑蒲桃九哈密白蒲桃十

馬乳蒲桃

上林名果味芳鮮采摘均從雨露邊色借紫青相照曜

顆分大小各勻圓流來馬乳香先喫釀出龍池品盡仙
便與櫻桃同飽食紀

思難罄益州賤

成都
有十樣菱

十二月十九早奉 東宮令南苑冬夜寒甚偶

見硯池結冰以硯池冰為題汪灝錢名世查慎

行蔣廷錫四人可各賦七律一首又自制七律

以示改正雪明書幌易生寒水靜圓池墨未乾

乍結琉璃漆硯裏自成珠玉彩毫端微涓倍有

清瑩色一滴還深碧錦湍凍釋烟雲浮几上須
知下有黑蛟蟠臣慎行恭和云

研朱滴露一泓寬喜見冰花結作團粉色映菱雲母白
墨光鋪几水精寒入懷珠玉生奩底呵氣蛟龍上筆端
計日東風先解凍詞源如海富波瀾

十二月二十日奉

旨特授編修感

恩恭紀四首

綸書璀璨下

金鑾同直三人並授官

同日被廷錫及臣慎行共三人

旨者汪漸蔣湛露九

重頻渥澤條冰一署不知寒登瀛路許迴翔入

翰林舊制庶吉

士俱於二門外下馬授職後乃騎馬入登瀛門

藏閣書容次第看總是鼇峰清

切地渾忘弱羽簞鶴鸞

玉堂故事久相傳常吉多充弟子員支俸例教同七品

隨班

特荷免三年

庶吉士例須教習三年再經御試然後授職先是臣等以供奉內廷特免教習

皆異
數也
身依香案初稱吏

詔賜頭銜不待銓自沐榮光心竊媿愧居四十六人先

癸未科進士除一甲三人外與
館選者四十九人余名在第二

螭頭龍尾上陂坨拾級重經拜

命過步接彤扉仍注籍名聯黃紙嚴登科較量前輩榮
真冒比並同年幸最多章服不殊

恩過異一行歸騎擁鳴珂

共道遷鶯傍上林姓名從此列朝簪身微彌覺

栽培厚地近尤蒙

教養深應臘蘭芽初茁玉先春柳綫已拖金傾心一寸
同葵藿長托堯階仰照臨

除夕前二日

恩賜御書大福字恭紀

景福欣逢介福辰自

天題處自

天申萬年鳳藻輝宸極一顆驪珠

賜侍臣捧出

深宮榮並受懸同

御扁墨長新箕疇更衍無疆祝敷錫從知徧庶民

恭和

御製除日晚宴原韻

景運循環紀始終年年嘉慶與民同
鈞天津轉冰霜候
大地春回雨露功

詔許勲庸承曲宴時無水旱塵

宸衷小臣與凜豐侯戒既醉

恩深

聖訓中

恭讀 御製百平生
惡酒難堪飲之句

王學菴生子走筆賀之六首

以下乙酉稿

六十生兒似較遲却緣難得轉稱奇
芝田蕙畝從人說
瓊樹天生只一枝

拾得

陳后山詩黃家
生子名拾得

添丁未足論烏衣
餘慶自清門直

同膝上看文度抱子心情當抱孫

諫草焚來盡去聲有書芸香何用辟蟬魚先教識透之無

字徐讀巾箱萬卷餘

雙眼摩挲喜可知綠槐陰發去年枝待君添種三株樹
要看凌雲合抱時

湯餅筵前客坐深掌中擎出是瓊琳隔簾不用催絲竹
兒笑兒啼盡好音

天上麒麟見未曾他時摩頂記徐陵老夫自詡言多驗
身是人間現在僧

奉題少詹彭先生捫腹圖

大彭遠祖商老錢世家柱下為神仙旁人見公腹便便
矢口但稱邊孝先我公稽古如力田白晝那肯成高眠
承明出入三十年朝回日日手一編撐腸卷軸富五千
大筆無過許與燕

兩宮顧問召屢前官非不達學愈專綠衣有語然不然
先生笑指池上蓮誰其畫者調丹鉛此意或向知音傳
應 皇太子令咏白杜鵑花

鶴林花本神仙種名字雖同色不同一自根株歸闕苑

獨留冰雪向春風披香欲奪氈氍毹

披香殿上紅氍毹蘇軾咏杭州南漪

堂杜鵑

勅賜休誇躑躅紅

白居易詩一名山躑躅一名杜鵑花王建詩勅賜一窠紅

躑躅謝恩未了奏花開

從此三更枝上月定無啼血染芳叢

見可亭姪新柳詩偶作一首

偶為長條作短行此聲不是笛中聲時清關塞無攀折
路近章臺有送迎濯濯應憐前度態依依長帶故園情
春來縱得東風力莫倚纖腰便鬪輕

祈穀壇西北積水十餘頃四時不竭每旦有羣
鳧游泳其間因名之曰野鳧潭口占一絕

潭潭積潦浸城隈不長菰蒲長水浴我夢江湖歸未得
野鳧何事却飛來

和周邁菴都諫閒居雜咏兼簡學菴西齋四首

三間道院例支錢薄俸分緡月二千日日長閒鎖却
一燈歸照夜棲禪

芹泥融棟燕巢新社回頭已過春我本無家一房客

可憐飛鳥更依人

又作三年住帝鄉
蕭齋有味是蒼涼
牆頭山色門前水
不忍移居過別坊

官曹西省連東省
門巷青楊接白楊
道是閒居閒不得
得閒翻為和詩忙

下直偶過學菴齋
明日學菴以詩索和次原韻

綠樹陰中著兩脛
夕陽移影過東隅
唱酬互入新詩卷

時學菴與元朗編
刊掖垣唱和詩

還往猶餘舊酒徒

謂西

有子祝君苗

在手

十苗方在手想像秋禾熟戴石屏生子詩也

未歸約我杖同扶眼前事

事關遲莫不夢橫溪即泖湖

橫溪余所居地名

南海子

千頃平如指掌收草蟲趨趨鹿呦呦騶虞圓小樵無禁
鈎盾田寬麥有秋萬柳槎枒沿徑轉一渠曲折入牆流

心同魚鳥便飛放愛作城南十里遊

元時名飛放泊

南紅門接

駕歸遂喜雨

時皇上南巡回京

萬乘回鑿候三晨望雨辰自天能潤物到地喜清塵處
處溝渠急行行榆柳新衝泥歸更好馬意亦跋跋

五月初九日

上御淵鑿齋召大學士臣玉書臣廷敬工部尚書臣鴻

緒學士臣升元臣昇臣壯履臣原祁編修臣瑄

臣廷儀臣廷玉臣名世臣慎行臣廷錫等入至

雲步石

賜坐賜饌畢人賜荷花一餅隨

命由蕊珠院延賞樓泛舟回直廬感

恩紀事恭賦七言律詩四首

身依

禁闥已三年天上方知更有天楊柳橋通星漢畔芙蓉
檻繞

御床前游同靈沼魚真樂聽到伽陵鳥亦仙雲步石邊
聯步入臨流高下列芳筵

咫尺夔龍接武隨從容宣勸坐移時

坐間屢遣內侍傳
溫旨令臣等勿拘

常禮 烟霄畫入丹青動殿閣涼生草木知有數遭逢關氣
數無私造化荷

恩私苑門隔日先傳喚應是今朝下直遲

詔恩半日許迴翔崑閬遲遲晝倍長貝闕珠宮環四際
十洲三島儼中央翠屏開處雲流影綵鷁飛來水拂香
共識

天顏多霽色雨餘風物借輝光

玉井移根迥不同秘苑人

賜一枝紅莖從新折
流晨露蕊為含開
帶好風擎出榮
隨丞相後攜歸香
滿禁垣東
此生直願依蒲藻
長在烟波浩淼中

題費曉城同年牧牛圖

嫩草如秧水似油
雉疏閒放白蘋洲
畫師最得華陽趣
不取黃金寫絡頭

送陳秋田宰荔浦

一官萬里赴昭州
人替君愁自不愁
匣硯囊琴非俗物

丹梯碧落是清游九疑路轉收帆驛八桂風高捲幔樓

真羨揚遠挈家去王程如砥接詩郵

唐揚遠曾到嶺外見陽朔荔浦山水

談不容口俄而求遊彼邑挈家而去

敬業堂詩集卷三十一

欽定四庫全書

敬業堂詩集卷三十二

翰林院編修查慎行撰

考牧集

起乙酉五月杪
盡丙戌四月

余自癸未扈

蹕清暑甲申以纂輯韻府留京師乙酉五月復奉

旨隨駕是秋撤圍後

萬乘巡邊別由雍安嶺渡庫勒齊河自此抵張家口乃

元時上都孔道今屬

上駟院慶豐司數百里間岡勢坦迤駝馬牛羊約三百

餘萬

上按程閱視指諭臣等云昔

太宗皇帝謂此地宜畜牧今果蕃息若此遂頒

賜侍從大小臣工人各馬一匹羊二頭臣亦與焉又四

百里始入居庸關臣惟小雅之美周宣曰誰謂爾

無羊三百維羣誰謂爾無牛九十其孳我

國家考牧之盛不啻千百倍之詩書史冊所載得未曾
有特取此義以紀盛事云

扈從山莊避暑出都口占

又是山莊扈蹕時

賜衣重著馬重騎邊人望幸經初伏閏歲

君王避暑遲

雨後過懷柔城外

火雲突兀壓城頭地近黃花古戍樓好是綠陂新過雨

路平如掌接檀州

重出古北口

烟火千家散舊屯
饋漿野老候關門
自言世得耕耘力
黃犢年來又有孫

曉過青石梁新開路

高入雲端俯作梁
中間鑿石得康莊
松聲落澗風泉合
藥氣浮山露草香
馬為重經成熟路
人貪早度取微涼
詞臣例飽

天廚饌已有中官候道旁

鞍子嶺直廬庭西新設松棚

十丈移岩壑三間蔭苑牆
有時松子落隨意乳毛香
不礙流晨露尤宜障夕陽
天教人夏健何減北窗涼

發黃甲營喜晴

青浮翠積氣氤氳曉色俄從霽
色分馬首已迎初上日
雕翎猶帶未歸雲
峰皆似染供屏幃樹不論年絕斧斤
曾記上番隨

蹕候灤河新漲隔山間

癸未六月過
此連值大雨

咏金絲桃應 皇太子令

裝束渾疑出道家，川原何用覓紅霞。
偶分高士籬邊色，仍是仙人洞裏花。
金粉露涼朝蝶夢，檀心香颭午蜂衙。
尋來莫怪漁舟誤，比似桃源路更賒。

駐蹕樺榆溝，特給官房止宿感。

恩恭紀

千帳連雲並出關，受廛何幸預清班。
炎埃氣隔無三伏。

覆載

恩深抵萬間新瓦鱗鱗宜聽雨短牆面面好看山風餐
露宿原臣分每被殊榮輒汗顏

發樺榆溝從新開石梁至哈喇火屯

鑿開峭壁轉龍腰高棧中縈綫一條石叻仰散泉作霧
雲根倒拔樹干霄向來紆徑千盤轉此去前村十里遙
真覺太平民樂業山南山北盡漁樵

塞外草花暑月特盛同年將酉君用橫幅寫七

十餘種呈院長揆公以絕句屬和四首

頻年隨

輦到邊庭自補山經及水經更借玉堂揮翰手兼收花草入丹青

折枝一派取阿那木本無多草本多六月塞山猶似錦不知春色更如何

莫嗔嵇鄭難為狀莫笑徐黃欠寫生到此始知天地大野芳無數總無名

風翻雨洗枝枝別
儷白駢紅色色新
誰似先生工體物
好詩能發畫精神

恩賜

御書扇恭紀

聖藻光騰寶篋中
五明開處潤濛濛
招攜滿苑松杉氣
披拂微涼殿閣風
鵲羽午搖炎熾散
麝煤香迸汗珠融
捧歸當暑先珍襲
篋笥絨

恩託始終

古今注舜廣開視聽求賢人以自輔作五明扇漢公卿皆用之拾遺記周時外國獻丹鷗

拾其脫羽以為
扇名為鵲扇

烏城立秋和同年佟淵若韻

萬壑含朝雨千岩竅夏雲炎涼雖迴判晝夜漸平分爽
自披襟得聲先隔樹聞候蟲吟較晚高唱獨輸君

立秋後一日

召遊行宮後苑

賜宴恭紀十二首

銀河西繞翠微岡紫界東連苑轉牆一片樓臺先入望

蓬瀛遙在水中央

天然圖畫引躋攀盡出

宸衷指點間岩壑不須多架構下因流水上因山

神川過雨氣溟濛沙土無痕井脈通欲識泉源深幾許
轆轤聲轉白雲中

坡陀幾曲接磬頭漸入仙源徑漸幽忽漫孤雲生兩角
小欄低檻盡如樓

煌煌

禁扁麗中天楹帖分題兩兩懸萬丈光芒爭耀眼不知
旁有好山川

松鶴陰從積翠生泉蘿烟月一時清

以上皆御扁名

每經

御墨留題處記得旃檀別殿名

帶峰傍石布芳筵夾岸鏗鏘奏管絃山水清音消不得
況從

天上聽鈞天

一道清流合兩河醜渠中有半開荷分明太液池邊種

重沐

天家萬里波

插架排籤滿禁林

御床左右列森森
行宮仍是圖書府
清暑時時惜寸陰
水精簾幙綠莎茵
行過星橋別有津
除却澆花無汎掃
就中何處著纖塵

叠砌平階出露芽
近看如錦遠如霞
塞垣小草生何幸
開作長春死裏花

華貂環座盡公侯

特許詞臣與宴遊滿引金樽歌既醉謝

恩齊上木蘭舟

敬題

御書東坡詩扇為法鴻臚作

七輪松扇早涼天舊句新題

御墨鮮不獨侍臣沾渥澤榮光兼被作詩仙

賦得雲抱兩三峰應 皇太子令

萬峰齊露頂雲氣欲何之
偶遇參差石還紫縹緲姿
三山遙望處二華未開時
鬢應難畫形容況入詩

佛手柑

奉
畫扇上
旨題

名並黃柑種不同巧從佛號示玲瓏
菩提證果雙林下優鉢拈花一指中
色映金繩長帶露香開寶掌自生風
聞思大士應微笑披拂先教鼻觀通

恩賜

御書敬業堂扁額恭紀十六韻

清暑時多暇行宮日正長

君王親翰墨侍從沐

恩光是壁皆盈尺如椽總倍常因心成變化運肘示端
方山海峯濤壯龍鸞爪翅張堯文開盛世羲畫掩前王
帝眷優無比臣衷懼莫當身雖依廣厦家本住窮鄉憶
在兒童日親隨子弟行長貧惟立壁短晷或然糠風雨
留先築柴荆指舊莊業傳慙肯構敬止念維桑幸獲支
門戶終難荷棟梁數椽天一角

萬歲字中央隣叟來扶杖姻親賀滿堂承家期世守祝
國永無疆

七月二十四日五更發波羅火屯始有寒色

卧聽雞鳴已過三起來攬帶上征驂五更寒色風初北
七月邊聲雁已南汨汨乳泉縈暗谷濛濛霧雨染濃嵐
前行漸與圍場近飛騎如雲隔宿探

烏喇帶秋分日作前夕大雷雨昨日微雪故詩
中紀之

朔野秋光少，俄驚草木衰。
大都殘暑退，便是蚤寒來。
天霽今朝雪，山收昨夜雷。
匆匆裘換葛，節序暗相催。

度達陰嶺看紅葉

蛇躡猿攀路僅通，溪聲忽轉一山紅。
行來不道秋纔半，已在寒林薄雪中。

中秋夜薩勒巴里對月

一片中秋月，重經古塞看。
宮壺傾法醞

是夕賜酒果

御客夢

警新寒似雪侵，鬢白疑霜拂。
帳乾故園諸弟在，悵望隔

團團

八月十七日伊蘇河源雪中聞雷食頃開霽

雲黑初防挾雨來
俄看黍谷散寒灰
千峯雪作漫天霧
萬帳風兼動地雷
紅樹一番殘葉盡
碧空依舊夕陽開
眼前變幻真奇絕
天果難將管見推

隨

駕行興安嶺上

橫亘東西路幾千
直從遼海控居延
盡消伏莽山無樹

不斷靈源地涌泉羣牧牛羊量論谷諸藩廬帳列如屢
聖朝不畫長城界一道平岡是九邊

連日扈從由雍安嶺烏蘭哈爾哈至上都必拉

觀圍恭紀八首

連天積素耀威弧鵲血牛螭力盡輸

梁簡文詩控弦因鵲血挽強用牛螭

看取羣情齊踴躍

一人獲雉萬人呼

初分左右儼星奔旋列方圓陣法存千仞岡頭黃蘗下

藍旗兩扇合旌門

西僧迎

輦列香幡擊盃吹螺動法門
番界從來知佛大而今更識

帝王尊

多論那拉之西有喇麻寺西僧一百五人蒙古每部落供養一僧俱來迎謁賜銀緞有差

嵯峨高勢拂雲開

天語親聆指示來
踏遍峰峰沙似雪
始知身到白龍堆

二十五日隨駕至上都海拉斯臺上諭云此地山形首皆西南向尾皆東北向即古白龍堆也

朴渥如飛掠草中

御前突過疾於風萬鈞神藝無輕發命中仍開射虎弓
獸自成羣鳥自稀網開四面總天機白雲一片平如席
趨取鷓鴣帖地飛

尾同麀鹿首成犢千百黃羊合一羣攔入圍中何所擬
滿灘鵝鴨鬧如雲

豹尾雞翹滿後塵近前傳

旨召儒臣分頒五色離披羽榮被雕鞍是八人
二十六日於園

勒班庫特力隨圓特賜
翰林官山雉人各一尾

雪中戴青氊大帽

上顧見大笑口占紀之

大于煖耳覆雙肩冰雪騎驢二十年今日重蒙

天一笑白頭還戀舊青氊

隨

駕閱視羣牧恭紀八首

右接雲中左界遼放來羣牧十分臊自從

聖祖開基遠水草新來分外饒

齊色分花望不窮一羣拔萃一羣空天生驥騄初無種
只在

君王顧盼中

大漠塵消罷戍屯曾收汗血入關門於今青海無傳箭
字息均蒙養恩

肉鞍高出草頭低千百封牛褐色齊

漢書注駝背上肉鞍隆高若封土

俗呼封牛知有泉源在山外但從沙上覓駝蹄

烏犝黃犝種各殊駢踈迭角雜收駒太平畜產閒無用
好入豐年考牧圖

四時邊草閱榮枯堙谷填谿作雪鋪一色萬羣三百萬

不曾輕費大官芻

詩疏羊以三百為羣合三十萬計之則千羣也今合三百萬計之則萬羣

矣

邊戶羣歌樂歲穰素封何必業耕桑家家

賜種滋蕃息銀餅渾如拒爨香

唐樵言宣宗賜韋燠孫宏銀餅啗皆乳酪膏之

所為即今乳酥餅也

蒨藜苑小傳唐監首宿園荒笑漢家自是累朝無馬政
天留沃壤在龍沙

恩賜上駟院馬一匹恭紀七言排律十六韻

萬里平沙屬慶豐更申罔命牧駒駘如荼如火千峯上
為錦為雲一望中有駟幸隨觀垌野上襄敢異

賜行官房星燭地光先見電影流天澤下通玉勒金羈
新改控琯鞍黃帕舊曾蒙丹青妙合將軍畫聲價高踰
都護驄緩轡追陪雙仗近著鞭先後八人同

南書房侍
直八人同

日拜賜細看六印猶鈴臠

唐六典在牧之馬有飛字印龍形印三花印風字印賜字印出

字印其形容端正擬送尚來者以飛字印其辭體

乍拂三花待翦髮不分牽來

遊果下且教行處避芳叢疾徐本具馴良性安穩寧資調習功筋力將衰蒙

聖鑒嘶鳴欲效託微衷院中例借知應免衆裏齊驅學漸工躩蹠身輕辭社燕飛揚隊逐入關鴻食貧慙媿薪芻儉種貴夸張早樞空照夜俄看歸路白經春旋試軟塵紅翔麟苑與飛龍殿蕃錫

恩深念匪躬

上御帳殿南門

命侍衛試調生馬

召臣等同觀恭紀

步澗蹄高齒尚童

尚書大傳
童馬不馳

忽驚一顧出

重瞳賞加牝牡驪黃外

恩在駟馳駕馭中
杏葉裁韉初被錦
桃花作汗欲噴紅
龍涓騏校皆天殿
冀野從看萬馬空

雪後

賜酥酒恭紀

馬足瓊瑤十里衝到來稠疊

賜黃封土酥點雪脂凝白官釀消冰乳滴濃寒效衾稠
禁永夜溫同狐貉禦嚴冬銀罌翠杓均天澤醉飽春回
草木容

行經獨石口外

獨石西南路最紆時平關隘失崎嶇灤河源在千山外

流過元朝避暑都

下西巴里臺

直下初從萬仞顛忽於井底見炊烟松風夜轉潺湲水
知是山腰一眼泉

即事

童子提壺斟馬酒老翁曲項奏胡琴近前爭博
君王笑真見諸番愛戴心

張家口

北風獵獵上旌旃古埃連山峭逼天鎮將時平多扈蹕
六龍五載一巡邊

宣府早發

星羅城堡屹相望地是雄邊舊教場漸近關南秋尚暖
雁飛先過鷓兒梁

重陽下堡道中

垂楊全綠菊微黃九月關城未降霜踏盡烏桓千嶂雪
却來平地作重陽

入居庸關

截斷雲頭作翠屏，官溝南瀉水泠泠。黃花催熟旗亭酒。

笑脫重裘度冷陁。

居庸關名冷陁太行入陁之一也。

彈琴峽

沙紋練練溜涓涓，似有鳴琴出響泉。松磴曉含三尺雪，石牀秋語七條烟。聲希不信人間有，悟徹原非指上傳。莫聽鼓鞀思將帥，清音今屬好山川。

恩賜羔皮袍料恭紀

授衣時節恰歸期裘敝重叨

聖主慈飽食始知肥羜美

臣素不食羊近奉旨賜嘗洵美味也

敵寒尤覺

乳羔宜製成刀尺憐柔毳

謝莊賜裘表靡毫柔毳

省對冰霜凜素

絲行與都人還示儉三英五絨在風詩

山莊雜咏

有序

山莊者我

皇上避暑行宮之統名也臣以草茅新進再備扈從自
夏徂秋往返各閱百餘日其間山川風土之美草木

禽魚之狀一一俱蒙

恩指示凡耳之所聞目之所覩口不勝述則紀以小詩
合成三十首用備遺忘不揣蕪詞並呈

御覽

朝涼夕爽絕氛靈畫裏山莊處處佳

聖德如堯惟尚儉采椽不斲土為階

古北口外行宮
凡八所皆無丹雘

之
飾

章奏多從驛騎馳行宮勤政日孜孜三更樺燭明如晝

又是宵衣乙覽時

唐太宗每以甲夜
視事乙夜觀書

溪穀山穀味有餘

慈幃時達問安書往來中使頻相望何異宮庭侍起居

每得新蔬輒遣中使
馳送皇太后宮

阡陌橫從蒔藝區幽風七月繪成圖瓜瓞豆莢田家味

帶露朝朝進

御廚

烟光濃澹寫晴空多少旌旗掩映中大抵無峯無好樹

一峯不與一峯同

幾暇濡毫有萬行
臨池無體不飛翔
蛟龍噴作巖頭雨
千澗流來墨瀉香

畫鹿宮門樹射棚
冬膠秋幹試初呈
靜中人賴皆天賴
朱鷺單傳中的聲

嶺複岡重不記名
石缸隨處瀉琮瑋
濛濛薄霧沾衣潤
雲縷多從水面生

小雨初過月未升
浮浮空翠暖如蒸
不知濕氣消何處

萬竈炊烟萬帳燈

林幽谷邃暗霏微過午人人換袂衣
預卜明朝天色好相風微動柘黃旗

松蓋年深雨露滋茯苓琥珀化應遲
太平是物爭呈瑞

枯枿先看出紫芝

赤芝產落葉松根

灤水清流比漆沮霽潭潑潑漾菰蒲細鱗柘綠皆堪鱸

不數紅鯰巨口鱸

細鱗魚重唇身有黑斑柘綠魚色微綠皆灤河所產

泡子河淤鳥鹵開霜華彌望白
睢睢邊民聽食天然利

只禁鹽車入口來

泡子河生天然鹽不待煎熬而成蒙古用小車載以貿易

煜煜蒼龍尾角蟠小星如沸鬧林端乍驚三尺飛光度

螢火大於金彈丸

塞外流螢極大光可燭三尺許

泥金細縷簇龍鱗首尾中分翡翠紋頗訝賦形同蠍虎

試看噓氣却成雲

山中蜥蜴長四寸許頭以下色如翡翠有紋如魚鱗尾作金色吐氣為雲

土人呼為雲虎

多年沙土養奇材照夜渾疑吐蚌胎可是水中真蘊火

但生涼燄不然灰

山杏根入水千年光如水精夜置暗室中毫髮畢見

銳頭長尾口如翹肉翅旁連四足俱猜是千年老蝙蝠

問名方始識飛狐

飛狐銳頭缺口耳小尾長毛深褐色翅如藍裙四足生翅中前二爪後五

爪能飛不踰尋丈

叢間撲檄葉先枯歐李駢睛似火珠長路微甘供解渴

馬鞭爭挂紫珊瑚

歐李一名烏喇奈子如櫻桃而大味微甘而酸

青楓烏柏自喬柯映日多成錦繡窩片片丹砂開障扇

就中檄葉得霜多

檄樹葉大如團扇初生時可裹粉餅蒸食秋月經霜鮮紅可愛

山黎微澁杞漿酸崖蜜煎從翠釜頌珍重蓬萊金醴味

不傳方法向人間

山梨枸杞汁經煉成膏味皆鮮美上嘗以賜近臣

榛實初生如粟蓬秋來采掇出低叢雞頭剥玉差相並

飯釘曾無一顆空

俗云十榛九空塞外所產不爾也

難憑本草考稀苓異卉奇葩眼未經滿地根株移不得

金蓮垂實菌枚釘

地產金蓮花及猴頭蕨菇

官馬如雲盡上膘便經霜雪也肥饒地黃牧宿人人識

何似連山盡藥苗

千盤百折上興安寒燠平分咫尺間忽見萬松齊落葉

人言山後是陰山

落葉松生興安嶺北
秋冬凋落與凡木同

道是山鄉又水鄉四時多半領秋光西風欲起駭爭圓

早雪將飛麝退香

雲端千仞跨晴空真有飛梁亘彩虹番語漫傳生吉兔

佳名新賜玉玲瓏

達陰嶺東北四十餘里山顛巨石百餘丈中通一門望若飛橋蒙古謂之

生吉兔

皇上

改名玲瓏山

晨隨羽衛愛山行夜宿周廬傍幔城自入秋來常起早

挈壺攢點最分明

詞臣帳房在行宮南門外
五十餘步欽天監司漏處也

畫屏環繞直廬傍草色常先柳色黃八月初頭風力緊
夜來傳

肯禁燒荒

塞外草枯禁野火謂
之燒荒犯者法綦重

蝗不成災歲有秋直從畿甸到邊頭更教州縣除蝻子

預計來年睿慮周

秋來蝗不為災
皇上為明
年慮命畿輔所在徧掘蝻子

溪流經雨雜清渾茗椀頻霑

雨露恩日給大官泉一斛祗應飲水亦思源

自發哈喇
火屯恐河

流渾濁致傷脾氣 賜

臣等官廚水日一石

彩棚高傍

御樓懸千萼多從一蒂聯不是大羅天上見人間誰識

火中蓮

潤木弟授庶吉士二首

初聞唱第向

丹墀再見班行雁序隨桂發五枝曾有識

余家廳事前有老桂癸酉

八月開花忽作深紅色異於常時甲戌乙亥丙子丁丑皆然自是余兄弟及兒子相繼登第

楊穿三

葉可無詩

白樂天與弟行簡敏中先後及第故其詩云楊穿三葉盡驚人

家門我已推

為長仕路君猶算未遲何事相看兩相泣雙親見背已
多時

早緣貧賤多離別老去依依勝得朋小閣重添聽雨榻
短檠分點入朝燈浮蹤到海翻相聚歸路如天豈易登

寄語阿頻存晚計且來共飲一條冰

時德尹在揚州書局


哭樊桐姪二首

丙戌五月初一

二十年前哭乃翁遺孤抱出尚孩童可堪留取昏花眼

看汝成人又送終

單丁門戶剩嬰孩
收拾殘書與寄回
永訣有言吾不食
三千里外為誰來



敬業堂詩集卷三十二